

Tawellemmet - Efsan Əlkəttaban - Salvation Scriptures

Kəl-Efez 2:2 Dat awa təşşokalam day arak mazalan win, təlkâmam y alxal wa n əddənet, təlkâmam y awa ira əmuzar ən kəl ətənkul win alhawa, a t-imosan infas wa ixmlaman day nəmməzray ən Məşşina day əddənet.

Matta 6:10 taset-du Taymar-nak. Tətəwəmizəlet tara-nak fəl amadəl s əmmək was tətəwamazal day jənnawan.

Luqa 22:42 igannu: «Abba, kud immikkan adi, təssəgəgəy-i təkabart ta n alyazab di! Dər iga awen da ya, taget tara ta-nak wərgey ta-nin.»

Yaxya 16:7-9 Dər iga adi da ya, a dawan-əməla tidət: of-awan ad agla, fəlas as wər əgle wər kawan-du-z-asu Əmadhal, as əgle amaran a dawan-t-id-assagla. 8 As d-osa ad issusən aytedan n əddənet as əxrâkan day batu n awa imosan abakkad, d awa imosan taqqat ən Məşşina d awa imosan əşşəriya-net. 9 Issusən-tan as əxrâkan day batu n awa imos abakkad fəlas tugəyt a əgan a sər-i əzzəgzənan.

2 Timotay 2:10 Awen da fəlas əddəlil ən win isannafran Məşşina a fəl əzmara y arat ketnet, fəl ad əgrəwan əntanay da efsan əs tarrayt n Əlməsix Əyasa, əgrəwan tanaya təylalat.

Kəl-Ərrum 15:20,21 Amaran əşşəyəl-in wa day ədgaza wəllen imos emel n Əlinjil y aytedan win âs wər kala ad əslan y esəm n Əlməsix. Arat wen əgeq-qu fəl ad wər iqqəl əşşəyəl-in arat intən fəl əşşəyəl n iyyan awedan. 21 Əşşəyəl wen əgeq-qu s əmmək wa əmalan Əlkəttaban as ənnan: «Win as wər ittəmal ad t-ənəyan, amaran win wər nəsla isalan-net a tan-aslin agrin-tan.»

Igitan 2:36,37 Day adi akninet Kəl-İsrayıllı kul masnat day as, Əyasa wa təttəytayam fəl təgəttawt, ənta a iga Məşşina Əməli d Əlməsix.» 37 Idas awal wa iga Butros den iwällan n aytedan wəllen, ənnan-as ənta əd nəmmuzal win hadatnen: «İmədrayan-nana mas danay-ilzam igi-net?»

Kəl-Əibri 4:2 Fəlas ığmâd aşşak as isalan n Əlinjil nəg-asan agaraw zun wa dasan-əgan day taneray. Mişan awal was əssəsaman wər dasan-ikna wala fəlas wər əgen əzəgzənan wa əgan aytedan win t-əqbalnen.

Əməli 24:7 - Matta 22:37 Inn-as Əyasa: «Ənta da alwajib wa ogaran: "Iru Əməli-nak Məşşina s əwəl iyyanda, əd man ərdânen, tireq-qu dey əs tayttay-nak kul."

Igitan 16:14 Təssəsəm-ana iyyat day-asnat ən təmiksət ən Məşşina təgət esəm Lidəya n əyrəm ən Təyatir tətaggit jola ən təbəddəy zaggaynen hossaynen. Ora Əməli əwəl-net, təga əsəsəm olāyan y awa igannu Buləs, təzzar təzzəgzənan əs Əyasa.

Matta 13:14-16 Əntanay a fəl tənda batu ta iga ənnəbi Isayas assaya wad inna: "Ad taknim əsəsəm, mişan wər za tagrim wala. Taknim asawad mişan wər za tənəyam wala. 15 Fəlas iwällan ən tamattay ta ab'as əlan təfrəyt, əngəm agrin. Əgan iman-nasan imzagan, şittawen-nasan dey əyməsan-tanat, fəl ad ib'as hənnayan əs şittawen-nasan, ib-as sallin əs təməzzugen-nasan, ib'as gərrin əs wallan-nasan. Ugayan əs tətubt, əngəm əzzuzəyaq-qan."» 16 «Kawanay amaran təbbilalam id şittawen-nawan əhənnaynat, təbbilalam id şiməzzugen-nawan sallinat.

Isayas 6:9,10 - Igitan 28:27 felas tamattay di, əsəyər a təga əwəl-net, gərrid as sallinat təməzzugen-net, təqqâن šittawen-net; fəl ad wər tənəy za wala taslu, taqqam da wər təgra s əwəl-net, əngəm tutab, əzzuzəyaq-qat!"»

Markus 4:11,12 Inn-asan: «Kawanay təgrâwam masnat day əssiran ən Taymar ta n Məsshina, mişan aytedan win hadatnen arat kul tangalen as dasan-itatamal. 12 Adi a d-ewayan as əswâdan, mişan wər hənnəyan, əssisaman, mişan wər gərrin. Id ənnar wər iga adi, utaban, təwəsurəfan-asan bakkadan-nasan.»

Yaxya 12:39,40 Əddəlil wa fəl wər əfregan ad əzzəgzanan da imal-tu ənnəbi Isayas as inna: 40 «Məsshina a tan-isaddarylən, issəyar iwällan-nasan, fəl ad ib'as hannaynat šittawen-nasan, ib'as garrin wallan-nasan, fəl ad wər utaban, izzuzəy-tan.»

Kəl-Ərrum 11:7,8 Ma igan day adi? Kəl-İsrail wər əgrewan awa gammayan. Wər day-san t-igrew ar win isannafran Məsshina. Win hadatnen amaran tawaggen aytedan as garmoman wallan-nasan, 8 inimannak awen d awa ənnan Əlkəttaban as ənnan: «Ikkas-tan Məsshina day əlxəyyar ən man-nasan, ikf-en šittawen wər nəhənnəy wala, əd təməzzugen wər nəsəllu har azalada.»

2 Kəl-Tesalonik 2:10,11 In-Tajat iddew d əkulluk n abakkad issixrakan aytedan win z'əhləknən, felas wər əqbelan za wər əren tidət ta təfragat əsəfsi-nasan. 11 Əddəlil-net a fəl dasan-d-issəgla Məsshina tarrayt təsaxrakat, fəl ad əzzəgzənan əs buhu,

Matta 13:18-23 «Day adi kawanay səsəmat y almayna n əlmital wa n ənabal n amasa. 19 Amasa wa irtakan fəl tama ən tarrayt, əlmital a imos n awedan wa islan i salan ən Taymar ta n Məsshina wər tan-igra, asa-du Iblis ikkəs awa itawanbalan day əwəl-net. 20 Amasa wa irtakan day amađal əhənat təhun, əlmital a imos n awedan wa islan y awal ən Məsshina, iqbal-tu əddi da əs man filawasnen, 21 mişan wər ila awen ekay. Awedan wa wər imos ar məşhis ən təmazayen. Igda əs a tu-təməl təssust, madey təddəguzt təgât fəl əddəlil n Awal ən Məsshina, ad ayyu əzəgzən əddi da. 22 Amasa wa irtakan day təfəssay, əlmital a imos n awedan wa islan y Awal ən Məsshina, mişan aššawaşatan n əddənet, d adakal wa təga təgərgist n əddənet taytay-net, əssəfalan-du dənnəg Awal wen, igdal-as awen a d-awəy tənfə. 23 Amasa amaran wa irtakan day amađal olayan, əlmital a imos n awedan wa islan y Awal ən Məsshina, igr-ay. Awedan wədi a d-awəy tənfə təmosat temeday n ənətfus, iyyat təqqəl sədisat təmərwen, iyyat amaran təqqəl karadat təmərwen.»

2 Kəl-Korent 3:15,16 Awalla, har azalada, yarrin əlkəttaban n ənnəbi Musa, mişan wər tan-əgren, felas afər wen a ilsan iwällan-nasan. 16 Tətubt əs s Əməli a itakkasan afər wen.

Osay 11:3-7 - Matta 11:28-30 Akkiwat-i-du ketnawan win əddaznen, ewayan əzuk, a kawan-akfa təsanfawt. 29 Bardagat-i təlkamam i tara-nin, tabəzam fall-i masnat, id nak məşhis ən talimat a mosa, əwəl-in dey wər t-iha zazwar ən man. Əddi ad za təgrəwam təsanfawt i man-nawan, 30 felas ləkkum i tara-nin isinaflay, əgərgi-nin dey i fəsusən.»

Igitan 26:18 fəl ad tara šittawen-nasan, təkkəsaq-qan-du day şiyay s ənnur, əgmədan-du tarna ta n Iblis əlkəman i Məsshina, fəl ad əgrəwan təsureft ən bak-

kadan-nasan, əgrewan dey tadagart day mizdagan əs tarrayt n əzəgzan sər-i."

- 2 Timotay 2:24-26 Akli n Əməli wər ihor ad ikannas, kalar iwâr-tu ad səmmid y aytedan kul, imos awedan ifrâgan əsəssəyri, tah-ay tazaygart, 25 iwâr-tu ad itaggu əsəssəgri ləmmidan y aytedan win das-tamazaynen, day igi n attama n a tan-akfu Məsshina tətubt y ad ənəyan tidət. 26 Əddi a tan-du-za-təqqəl tayttay-nasan ta tolayat, əkkəsan iman-nasan day taftawen n Iblis a tan-ibâzan, ig-en day agna-net.

Ənəfilal 3:17-19 id a təgannam: 'Nəggirgas, amaran iman-nana a nəsaggargas. Wər nəddərar əs wala.' Awen təgannim-tu fəlas wər təssenam as kawanay təllam-tu d əyşud ən man, təhoram d i dawan-ihanatten, təmosam şiləqqawen, təddiryalam, wər təlsem wala. 18 Əgey-awan ənnəsixa n a yur-i tazzanzim urəy wa itawajarraban əs təmsay, fəl a sər-əs taggargasam, tazzanzim yur-i dey tabdoq mallat, fəl ad talsim, ib-as kawan-tətabaz təkarakit n as təzzafam, tazzanzim yur-i dey amagal a za təzwəyam i şittawen-nawan, iqqəl-kawan-du asawad-nawan. 19 Nak, aytedan win arey, əntanay a fəl şawala, suyulaq-qan-du tarrayt. Day adi akniwat gəlleyat, tutabam.

- 2 Kəl-Korent 7:10 Fəlas Məsshina ifrâg a sər-na d-awəy ayşud ən man fəl ad nutab day bakkadan-nana, awəy-du sər-na əlyillas. Wər danay-ilkem ad nəmmigrəz əzzənəf n əyşud ən man wədi. Ayşud ən man amaran wa sər-na du-teway əddənet wər d-iteway tətubt, təsəlkamt-net tamattant.

- 2 Kəl-Korent 4:4 Wər əzzəgzanən fəlas Iblis wa n əməli n əddənet ta, a tan-isaddaryalan; igdal-asan anay n ənnur wa d-igammadan Əlinjil, ənnur wa isaknin tanaya n Əlməsix imosan şaşşelan ən Məsshina.

Luqa 8:11-15 Igla Əyasa iüşewal, inn-asan: «Əlmital wədi almayna-net da: amasa əlmital a imos n Awal ən Məsshina. 12 Amasa wa irtakan fəl tama ən tarrayt, əlmital a imos n aytedan win əslanen y awal ən Məsshina, mişan ad d-asu Iblis ikkəs-tu day wallan-nasan fəl ad wər əzzəgzenən, əgrewan efsan. 13 Amasa wa irtakan day təhun, əlmital a imos n aytedan win əslanen y Awal ən Məsshina, əqbalan-tu əs man filawasnen, mişan wər ila awen ekay, əzəgzan-nasan wər itihag. As tawajarraban, a tan-igməd. 14 Amasa wa irtakan day təfəssay, əlmital a imos n aytedan win əslanen y awal ən Məsshina əqbalan-tu, mişan as tan-ədgəzan aşşawaşatan n əddənet əd tara n əddənet d arak deranan, əssəfalandu dənnəg awal wen, ad igdəl awen y əzəgzan-nasan alkamalat. 15 Amasa wa irtakan amaran day amadəl olayan, əlmital a imos n aytedan win əslanen y awal ən Məsshina əlân iwallan olaynen lammadnen, təzzar əqbəlan-tu, əttəfan-tu s əlluy, təgmad-tan-du tənfa fəlas əzmâran y arat kul.»

Igitan 15:11 Wərgey arraxmat n Əməli Əyasa as nəzzəgzan, təssəfs-ana? Əntanay da za, əntanay win wər nəmos Kəl-Əlyəhud, təməwit ta da as əfsan!»

Kəl-Ərrum 8:13 Fəlas as təgam təməddurt təlkāmam y awa əran man-nawan, wədi a kawan-iba təggəzam Jahannama. Mişan as toyram imazalan win əran man n aggadəm, təlkamam i win ira Infas wa Zəddigan a kawan-ihân, wədi ad təddəram har faw. 1 Əmənokal 18:37 - Məsshina turn heart back to Məsshina.

Pastor T. John Franklin

Church of Salvation, Healing, and Deliverance - COS-HAD.org